

石阡縣志教材輯要

丁巳年冬月

石阡鄉土教材輯要目錄

- (一) 石阡縣沿革
- (二) 龍底江
- (三) 石阡山脈 (二)
- (四) 孝子左維祥
- (五) 溫泉碑
- (六) 縣城
- (七) 徐培深 (一)
- (八) 成徐二公之苦學

- (一) 石阡得名
- (二) 石阡山脈 (一)
- (三) 天機和尚
- (四) 溫泉
- (五) 縣城
- (六) 縣界
- (七) 徐培深 (二)
- (八) 郵局

(戊) 電話

(己) 石舟

(庚) 城區第二小學沿革

(辛) 茶燈

(壬) 氣候

(癸) 民教館與衛生所

(甲) 採茶歌 (一)

(乙) 紡織

(丙) 太虛洞

(丁) 城區中心學校沿革

(戊) 茶

(己) 桐櫟茶油

(庚) 農產物

(辛) 位置區域與人口

(壬) 採茶歌 (二)

(癸) 食鹽

# 石阡鄉土教材輯要

楊大恩編

## 自序

吾邑舊誌甚簡，而新誌未成，幾歷一世紀，而付諸缺如，今欲攷其山川，知其形勢，以及物產、風俗、史地沿革，夏夏乎亦難矣。倘再逾數十稔，而遺老皆無存者，其將何以徵文攷獻耶？此編輯鄉土教材之所以不容或緩也。矧值抗建時期，為持久抗戰計，在教育方面，宜注重鄉土歷史、地理、人物誌，及民族先烈事蹟，以期提高民族意識，增強抗戰力量，則鄉土教材又有積極提倡之必要！考民國二十七年四月，中國國民黨臨全大會，有決議案云：「……尤宜儘先編輯中小學公民、國文、史地等教科書，及各地鄉土教材，以堅定愛國愛鄉之觀念。」可見黨國對於鄉土教材，特予重視，匪伊朝夕矣。獨惜其所謂鄉土教材者，在抗戰三年中，「無聲無嗅」，豈吾邑僻處黔東，交通梗阻，見聞因之不廣歟？抑亦文化界人，意志集中於抗建建國史料與國際風雲動態，而不暇顧及歟？大恩不揣謏陋，率爾採輯，魯魚亥豕之訛，覆瓿勦蕪之譏，洵難免矣，然小學用作補充教材，



得悉鄉土梗概，俾知今日燦爛之河山，繁榮之市鎮，咸吾先人胼手胝足，斬荆披棘之所遺，其愛鄉愛國之情緒，自必油然而生，如遇敵人侵我鄉土，有不百戰死守以抗之乎！若然，則國民教育之基礎乃能鞏固。子與氏謂「效死而民弗去」余以為宜用鄉土教材以陶冶之也，是為序。

中華民國二十九年季夏月識於縣立城區小學之辦公室

叙

領袖曾指示我們：今後教育要以愛國為中心，激發學生愛國

思想的科目和教材是歷史與地理。

史地與各人關係最密切而比較容易理解的處所，是自己家鄉的那部分。行遠必有通，學習歷程亦復如此。鄉土教材，它實在是史地兩科的入門和基礎，它因此在基本教育的課程中佔極重要的地位。

楊乾珍先生新撰本縣鄉土教材輯要一書，搜集材料頗見勤慎，

鉤提舊籍亦臻允當。雖因時間所限，新瓶之中無暇盡釀新醅，然為

本縣教育界創作此教材之先導頭功，自屬當之無愧了！

楊先生此書出版後，希望我縣教育界朋友之教此科者皆能人手一篇，教授此書時，先將內容融會貫通，然後自由設計排比敷陳，使受教者滋生興趣而增強領悟。那麼，楊先生此番編撰之辛勤，纔算開花結果了，大家纔算不負楊先生的賢勞了！

成啟宇謹叙

三十七年  
二月八日

流

風

周

餘

樣

題

物

序一

民國二十九年秋，七月，表弟楊君乾珍以鄉土教材見示，內載：山脈、水道、學校人才，以及風俗習慣等，事實確切，記載簡明，適合初年級學生心理，為石阡教育界開一新紀元。君性近歧黃，尤醉心史地兩科，家不甚豐，每年薪積購醫書外，史地兩科，所購亦多，故於史地較有專長，在城區小學及縣立初中前後同事二十餘年，每當課餘，念學生缺乏鄉土常識，又於二十七年閱報章，見國民黨中央臨大會決議，並國參會通過案，俱注重鄉土歷史、地理、人物誌、及民族先烈事蹟，目的在提起民族意識，增強抗戰力量，校中同事均有志未逮，獨君引以為己任，又得臨時編修放賑諸職，親歷各區，覽山川來源，訪先哲故事，不期年完成此書，所幸此後一般學生讀先哲成徐二公勤學，即興起讀書之樂趣，知地方人口物產增加，明抗戰實力之偉大，是則君生平殫精竭慮，俾益教育，不益多乎，是為序。

五巴熊子表兄陳國鑒謹識

序二

南北鄉土不同，而教材各異，咸賴文人學士，大筆所撰，裨益後學。吾邑楊君乾珍與深交，且至親也。富學業，少時最關心於鄉土，而郡多誌熟文，又經蜀道一遊，而眼界較寬，欲成鄉土教材，而無有機會。至民念六年長本邑女學教職，念八年，又長城區小學教職，今其時矣。授課之餘，咸覺缺乏此宗教材，終有未盡責任，於是精心結撰，編成鄉土教材六十餘課，皆俚切妥之言，欲使學者讀之，藉以增長鄉土常識，發生鄉土觀念，上以報國，此楊君之意也。余曾見小學卒業諸生，每歷外縣外省，遇人詢以鄉土風俗，多茫然不知所對，即強對焉，亦倘恍無據，皆歸咎於平素教師之未指導故，而楊君深洞此弊，改以編輯鄉土教材為己任，不期年而告成，攜以示余，余觀其文辭之簡當，事統之切實，課雖不多，而言頗兼賅，楊君殆為小學而費煞苦心歟，是則得此鄉土教材，作課外閱觀，以補充教材之不備，實有功於教育也，於是乎書。



序三

溯自民六長校，次年即聘楊君同事，歷歲久矣。嗣以老病賦閑家居，一日以所編鄉土教材示余，閱之而不覺異之，悲之，且長歎之。蓋其心恒，其見大，而其功偉矣。竊不禁有感於古人公山不狃之言底可績，昔者吳以郟故，將伐魯，是時魯人叔孫輒公山不狃先奔吳，王問於叔孫輒，對曰：「魯有名而無情，伐之必得志焉。」退以告公山不狃，不狃曰：「非禮也，君子遠不道離國，未臣而有伐之，奔命焉，死之可也，所託焉則隱，且夫人之行也，不以所惡廢鄉，今子以小惡而欲覆宗國，不亦難乎？」一日王問於公山不狃，對曰：「魯雖難無與立，必有與焉，諸侯將救之，未可以得志焉。」厥後吳師克武城而進，次於泗上，微虎欲宵攻王舍，私屬徒七百人，躡三於幕庭，卒三百人，有若與焉，及於稷門之內，吳子聞之，一夕三遷吳人行成，嗚呼！此非所謂必有與焉者乎？此非所謂愛鄉愛國之明效大驗者乎？楊君早見及此，編輯是書，雖在平時，尤當重視，況持久抗戰之期乎？則楊君之偉見卓識，洵有以大過人矣。詩以美之！

七絕一

回思同事廿餘年，誤下阿蒙已不然，鄉土教材微卓識，大恩  
阡郡徧傳賢。

七絕二

愛國必須者愛鄉，愛鄉愛國本根強，學生一致徧中土，管教  
日軍盡滅亡。

七旬老叟同事蔡家瑞贈

序四

古訓有云：「入國問俗，入境問禁。」又云：「禮失而求諸野，良以鄉土之風俗、習慣、禮制人物，以及山川名勝，莫不與國政息息相關焉。吾邑地處僻壤，幾經兵燹，舊誌簡殘，新誌缺如，緬彼先賢，追考習俗，禮制之遺存，山川之名勝，不無可歌可泣，可欽可仰之事蹟，以激發其人志氣，每與鄉耆湯君俊之，李君曾甫論及此事，曷早續成，咸云：皇皇大作，談何容易，畫虎不成，貽笑方家，予曰：事求確切，文尚簡明，擇其要而記之，未始非文獻之一助，方今抗戰持久，提高民族精神，發揚愛國思潮，尤屬不可緩之事實，時局滄桑，倘再因循擱延，後來者固茫不知，現存者亦倘恍無據，今表兄楊君忽以所編鄉土教材二冊見示，全書計六十餘課，事實確切，文字簡當，凡屬吾邑之史地人物風俗禮制，靡不搜羅精詳，條分縷晰，真先得我心之同然也。擴而刊之，將見用之學校，可作教員之觀摩，置諸家庭，可作訓子之資料，其裨益於社會國家，良非淺鮮，楊君真有心地方人歟？擴才疏七步，胸非二酉，寸莛擊鐘，不足表其萬一，然愛好之心，則又

情不能禁，故筆之於書。

表弟 曹 樸 識

例言

一 是編注重事實，文字宜求簡明，凡生僻字句，概不列入。

一 是編以縣誌為經，以楊伯榮之史地述畧為緯，並以編者生平聞見編輯而成。

一 是編共二冊，每冊三十課左右，作小學補充教材之用。

一 編者學識淺陋，遺漏疵謬，在在皆是，尚祈邦人君子，不吝賜教，俾有率循。

一 編者間有諮詢，蒙各機關負責人 殷勤答覆，謹此鳴謝！

一 是編在民國三十年寒假期中，又重新修正之。

石阡鄉土教材輯要

一 石阡縣沿革

石阡古為荊州西鄙，在秦為黔中郡地，漢為牂牁郡地，晉為夜郎郡地，隋為陽名郡地，唐改夷州，宋名珍州，元置石阡軍民長官司，隸思州宣撫司，明初改石阡長官司，至永樂十一年（公元一四一三年）改為石阡府，領長官司五（即龍泉、葛彰、苗民、石阡正副），萬曆二十九年（公元一六〇一年）改龍泉為鳳崗，長官司為龍泉縣，隸於府，清因之，民國三年改府為縣。

二 石阡得名

石阡得名，傳說各異，惟據一說，以郡城依山枕石，城東田間之徑，石砌重疊，有東西曰阡之義焉，因以得名，復考清康熙五十五年（公元一七一六年）郡守黃良佐詠官井流香，石阡八景之一，有遠徑通官閣，依山枕石阡之句，尤為可徵。

三 龍底江

龍底江源出九龍山，經本縣之包溪，北流至黃茅屯，有大溪（發源於包溪）



由舖溪直橋來會，又北至蠟崖，有永洞河內桶溪來會，又北流繞石阡城，至浮橋口有洋溪合凱斜河之水來注，又折而東，至獅子口有甕南河來注，又折而北至柴家壩，有龍塘之水，由板橋來注，乃由塘頭苗民司入烏江。

#### 四 石阡山脈 (一)

石阡地勢東南高而西北低，大部多山，平原絕少，境內山脈約分三部：大頂山脈蜿蜒於東，公鶴坳、石家場、冷家榜諸山屬之，梵淨山脈輻亘於北，平地場、石步等處諸山屬之，西南為九龍山脈，入本境分兩系：一經地龍為帽耳山、竹麻山，北折為老鷹岩，迄於泡木山，東行者經老寨、桃子園，橫凱斜河而西者，止於打鐵都，由三道拐而西者，起求雨山，至長安哨分為二：

#### 五 石阡山脈 (二)

其一為五老山，其一由白巖灣橫起木納山，一入縣境突起佛頂山，西南分脈由盪泥山，經走馬坪（歧嶺諸山尸之）至界牌分三大幹，其一由甕仰至際雲山、荆竹園諸山屬之，其一由官山林經樂橋、過布烏江東岸，其一由謝家寨、白馬坡至大岩，迄於關口坪，南行為地竹山，十萬山諸山，北行為椽子坳、廣家山諸山，更南北迤，於小宅、柴家壩等地，西北迤，為岩門十二

山諸山。

迤

於小宅、柴家壩等地，西北迤，為岩門十二

六 天機和尚

天機和尚，世傳即明季都察院右叅都御史錢邦芑也。邦芑字開少，丹徒（江蘇鹽江）人。桂王永曆元年丁亥（公元一六五七年）春奉命巡川，歷經江浙、粵、諸省，不受祿，可望偏命。祝髮為僧，號大錯和尚，旋號天機，隱居蒲村，為梁橋王爾極輩所覺，時通往來，著有王氏族譜序。

按邦芑先生，不受偽命，不作降臣，祝髮為僧，淡泊明志，在抗戰期間，讀之可以砥礪氣節，消弭漢奸，故特表而出之。

七 孝子左維祥

左維祥，盱城人。清道光辛巳（公元一八二一年）恩科亞元，官遵義教授，告歸奉養，年已七十餘，母年及百歲矣。同治四年（公元一八六五年）夏，城陷，弟兄三人，守其母不敢以變告，賊入門，母問故，維祥曰：家人將出作客，改箱櫃尋衣飾耳，賊入母室，則又周旋之，曰：兒交好也，賊義之，不相害，母竟不知有兵變焉。後兩月母歿，維祥亦以哀毀卒。

按是年十二月城再陷，賊大肆荼毒，假使先生母子尚存，智計恐無所施矣。然則不死於城未陷之前者，夫所以顯其孝也，不死於城再陷之後者，所以全其孝也。天之於孝子，厚矣哉！

八 溫泉

溫泉在松明山下，石名打出城南，約半里，即達其地，泉水由石穴中出，點塵不染，清可鑿髮，久晴不涸，久雨不漲，四時如一，天寒時浴之則體暖，天暑時浴之則體涼，故每日浴者絡繹於道，泉水中含硫黃質甚高，初浴覺其臭，常浴則無，且愈瘡患。

按浙水遊而浴，舞雩歸而詠，晉之名勝，迄今猶膾炙人口，郡之溫泉，為遊觀勝境，亦黔南所僅有者，惜習慣不良，每多任意漫溺，隨地吐痰，政府宜嚴禁之，邦人亦宜潔身自愛，保持清潔，以重衛生，願與邦人共勉之。

九 溫泉碑

城南溫泉勝境也，名人題詠頗多，中有國碑云：郡之溫泉，為黔之所僅有，茲以年遠傾廢，籌項重修，規模畧為擴充，並構小亭，以供登眺，刻于金石，實董其成，惟念風雨飄搖，時須補葺，余守此既久，去任難期，勝蹟長存，是又賴於後之賢守也。清嘉慶二十一年（公元一八一六年）丙子小春之初，知府昌平何均記並書。其碑石日為人所撫摩，故鮮潔光瑩，理紋燦著，現有萬古千秋四字，宛然可指，洵奇觀也。

明嘉靖元年（公元一五二二年）知府何邦憲始修土城四十年（公元一五六一年）知府蕭五業登樹枝切音端以石周圍三里三分計六百有六丈高一丈八尺廣一丈五尺四門東曰對旭南曰迎恩西曰澄清北曰拱極城樓四水關四萬曆二十八年（公元一六〇〇年）貴州興撫郭子章巡行至此捐銀二百一十兩增修南北月城清乾隆三十四年（公元一七六九年）知府吳光廷捐貲改修勒石於門東曰陽和南曰時阜西曰通濟北曰拱辰東門比高時有向南北餘步縣城東北兩方不時傾圮清末民初均有補修

十一 縣城

石屏在府治時領縣一——今屬嵩縣——東西廣四百四十餘里南北袤長四百七十里九十五里堆壤地相錯插花太多現時縣城東西距約九十三公里（最長徑一百七十華里合八十五公里平均約九十三公里）南北距約五十九公里（最長徑九十四華里合四十八公里平均約五十九公里）除高坡斜度之長不計外面積約一萬二千八百三十一方華方。

十二 縣界

東以大頂山與江口岑羣為界東南以易木坳與岑羣為界南以路厓溝與鎮遠及罵溪與施秉為界西南以土地坳坡脚河溝與餘慶為界西以烏江與鳳崗為界西北以山口坳紫雲山北以涼天坡甕南河與思南為

界東以大坳坡與印江為界。

按民國三十年春奉 省政府令調整行政區域據省參會參議  
員喬運亨所擬草案將第三區之大地方老寨一帶撥入鎮遠第五區  
之仁和場柴家渠一帶劃歸思南喬參議係鎮遠縣人曾任思南縣長  
一片私心 上峯受其蒙蔽使我南北兩方土地日感治理愈感困難  
此種糾紛尚未解決是則縣域縣界恐新勘定後今非昔比矣！

本年冬勘界結果南面之大地方以上劃歸鎮遠北面之仁和場  
一帶撥隸思南東南岑翠屬之地印東北思南屬之三合場則入石阡  
版圖損失之鉅是何異於以牛易羊馬噫亡羊補牢尚未為晚冀邦人  
放大眼光培植大學人才一旦握有重權庶不致再蹈覆轍也。

十三 徐培深 (一)

徐培深字資之號松泉清嘉慶丁卯（公元一八〇七年）舉人丁丑（公元  
一八一七年）翰林院庶吉士散館後改戶部主事升補江南道監察御史  
供職諫垣抗言無隱維時部下羣相贊譽後直諫忤旨歸歸至揚州主  
講梅花書院因號為梅花主人主講梅花一席似有前緣當其未第時  
夢元夜觀燈喧鬧繁盛忽遇友人口贈句云：「請君寄語江南去，分付梅



花得得李。此其光歟？

十四 徐培深 (二)

徐培深之父道振，以受徒為業，常攜培深自隨，其記誦之姿，不逾中人，而穎悟非人所及，與同學二三十人，同聽講解，凡有詰問，眾不能答者，獨能解說，年九歲，引紙請其叔道行書，年聯，其叔故精於書，書罷喜曰：「此子必大過我，觀其引紙，皆如人意，吾家千里駒也。」年十八游於庠，因家貧，時作小經紀，无責布、責米、責鹽、責鐵，以及蒸飴、糖、販水果諸事，罔不為之，雖不名一錢，不飽一飯，而終日闌闌，往來雜畚中，未嘗一刻忘作文，每有所構，輒奮筆錄之，學使陸平泉飭舉優行，特取為恩，石六學第一人。

按中國人名大辭典載徐培深，石井人，字松泉，嘉慶進士，官御史，數言事，直聲振天下，後罷官，居揚州，主講梅花書院，自號梅花主人，講學不分門戶，以敦品力學為宗，咸豐中，揚城陷，移居寓泰州，所著詩文，身後悉散失。

十五 咸徐二公之苦學

余幼時，篝燈夜讀，父告余曰：「有清一代，鄉先達之聲名赫赫，未有如咸、徐二公者，爾亦知兩公之苦學乎？」余對曰：「不知。」父曰：「咸公蘭生，北鄉下屯人，

嘉慶癸酉（公元一八一三年）舉人，丁丑（公元一八一七年）翰林院庶吉士，授編修，歷任浙江、衢州、湖州、杭州等知府，海州至江寧布政使，署理兩江總督，繙紳先生皆能言之，方其未第時，每夜讀書，無錢購油，用香一柱煎讀，則知之者甚鮮，徐公培深，其宅在城內，年十齡，販賣葵花，特出請其父予一題，且行且思，歸家則奮筆急書，成文一篇，日以為常，諺云：「不受苦中苦，焉得人上人。」爾其誌之，余敬對曰：「不敢忘。」

### 十六 郵局

內地偏僻，在昔傳遞公文，設有鋪兵、塘兵，平民寄信，因難殊多，自清光緒三十四年（公元一九〇八年）創設郵寄代辦所，首由楊成之負責經理，公私稱便。民國十年（公元一九二一年）改設三等郵局，十二年八月，河街及河西之啟泰、高泰、平摩泰民房，被匪張彪等焚燬殆盡。寺佛堂以上至柳子橋民房全燬市井蕭條，周里為墟，故仍改設代辦所。二十六年，縣長王念祖呈准設立郵局，原係間日班，二十八年夏，改為日日班，愈較前迅速便利矣。

### 十七 電話

石所架設電話線，約在民國五年，縣道方面，石、塔、石兩縣道均已溝通，一、二、三、五區，今已能通電話，惟第四區，因欠繳經費，尚未經設，又

因二十六年，採購電料，在黃平被劫，以致未能達到預定計劃。現鎮遠  
思南電話線，經商妥電局，暫行掛線通話，以應非常時期之需，最近擬  
增設電局，不久將實現矣。

### 十八 太虛洞

太虛洞在城南渡江五里，一名燕子巖，山腹玲瓏，燃炬而入，洞分上中下，  
有石龍石虎，萬佛巖大士像，像前站石童子一，向天生成，不假人工。又有鐘鼓  
龍田，諸勝境，點中名勝，當於此首屈一指。明萬曆間，郡守曾可，望題之曰：「點南  
第一景。」

### 十九 石舟

城南十五里，白巖河岸上有巨石，形如舟，明洪武三年（公元一三七〇  
年）二月三日，白頭羅公留句云：「我昔乘舟赴蜀江，歸來繫岸孰能扛，從今  
出洞遊天上，一脈川源寄跡雙。」清乾隆三十三年（公元一七六七年）丁亥，郡  
守羅文思錫其詩於石舟上，至今字跡猶可辨識，白頭羅公不知何許  
人也。

### 二十 縣立城區中心學校沿革

清宣統元年（公元一九〇九年）設高初兩等小學堂於秀順巷，  
今屬  
二小

學地 民國三年，改堂為校，稱縣立高等小學校，以初等改作國民學校。附  
之。民國七年，舊都司署作官產變賣，勸學所所長夏茂德、校長蔡家瑞等  
以地址適中，規模宏大，堪修校舍，稟請縣長周國華轉呈財政兩廳，准予  
建築校舍。九年工竣，十年由秀順巷遷入，改為縣立第一兩級小學校。  
二十四年，改為通濟門小學。二十五年，改為縣立城區小學。三十年二  
月，名縣立城區第一小學。五月，又更名城區中心學校。計成立至今，已  
有三十餘年，在縣立各小學中，以本校歷史為最久，作育人材，亦為各  
校冠。

按本校建築之時，以勸學員徐壽康董其成，監修員則為龍玉  
康、方錫廷、頌崑山、廖蘭廷、四蒼老。歷時兩載，工始竣。民國十年，匡吉  
五率匪軍駐校，校具損毀一空。十三年，簡匪玉章駐備司令部於此，  
蹂躪不堪。嗣後營長楊松青，匪首支隊長陶平，匪首姜文斗，  
部隊相繼盤踞其間，除棧柱、瓦椽外，門壁棧窗、桌椅床椅，無一存者。  
十五六年，復經勸學所所長陳國鑒、教育局局長蔡光華、縣長王夢  
熊、劉劍魂先後籌款重修。二十五年元月，紅軍蕭克、贛龍等部隊駐  
校一週，損失尤巨，此本校建築損毀之大畧情形也。



本校歷任校長姓名表 自民國元年起

姓名	別號	籍貫	任職年月	備考
李明誠	實甫	石屏	一年	民國元年
蔡光華	應九	同	同	民國二年
夏國光	冠之	同	三年	民國三四五年
蔡家瑞	雲卿	同	十二年	民國六年至十年又民國十二年至十八年任校長兩次
劉蔭先		貴陽	一年	民國十一年
楊一青	柏雲	石屏	五年	民國九年至廿三年
杜榮延	柏齡	同	三年	民國廿四年至廿六年
林萬傑	仕俊	同	二年	民國廿七年至廿八年十月止
楊大恩	乾珍	同		民國廿八年十月起



二十一 城區第二小學沿革 (舊女子小學)

我國數千年來女學不興，誤於腐儒「女子無才便是德」之一語。吾邑風氣閉塞，安能例外，故女學之興也晚。清光緒三十四年（公元一九〇八年）日興學會會員楊厚夫等（夏冠之、龍智泉、楊煜齋）提倡女學，輪流任課，不支薪金。民國初年，伍桂陳（現居歷任）請前輩相繼長女校任教職者，始有公款開支。初校址在文廟左側教諭署。民國十八年，遷入秀順巷。李姓市格名之曰秀順巷。改為縣立女子兩級小學校。二十五年，大恩任校長。職奉令改為縣立秀順巷女子小學。二十六年，又奉令改為縣立城區女子小學。三十年二月，地方教育委員會呈請，縣政府改為縣立城區第二小學，兼收男生，使與普通小學一般。

按吾邑創辦女學以來，已歷三十餘寒暑，而高小卒業之女生，僅四五十人，幾如鳳毛麟角之不可多得。女子教育不發達，於此可見一斑。夫女子為國民之母，家庭教育，實利賴之。今欲振興女學，非打破重男輕女之惡習，強迫家長送女子入校，萬難成功。若侈談男女平權，女子參政，而於女子基本教育，不求澈底解決，亦徒調而已。

本校歷任校長姓名表 自民國元年起：

姓名	性別	籍貫	任職年月	備考
伍世昌	男	石阡	民國元年五月	舉人字新又曾任石 監大使
杜聲祖	男	月	民國六年至八年	清舉人字純階
陳安宅	男	月	民國九年十一月	清貢生字殿清
蔡家瑞	男	同	民國十九年至廿一年	字雲卿
陳國鑒	男	同	民國廿三年至廿四年	字恒益
楊大恩	男	同	民國廿五年至廿六年	字乾珍
王敏抒	女	江蘇 江陰縣	民國廿七年五月至廿月	
杜德庸	女	石阡	民國廿九年三月起	
劉光煦	男	同		
附記				

民國十三年至十七年，因兵變後匪據石，故停辦。

二十二 茶

城隍五十里，包溪大地方一帶，產茶最富，歲約出十餘萬斤，東販湖南長沙，北販四川酉陽，近有運至貴陽，遂義出售者，又城北五里梁家坡，歲出茶千餘斤，其味清香，較包溪茶尤美，人爭購之，民國二十七年，貴陽開全省展覽會，石阡茶獲優等獎章，倘能竭力提倡種茶，亦地方富源之一也。

據貴州日報所載，貴州產茶之多，首推安順，年產約一千七百餘市担，茶味之美，則以石阡為巨擘焉。（據清華中國茶業公司所調查）近年商會主席龍堯夫，改良裝璜，石阡茶幾有暢銷全省之勢矣。

二十三 茶燈

陰曆正月十三至十五日為燈節，龍燈花燈而外，有所謂茶燈者，以村童十二人，飾女裝為採茶十二姊妹，裝一茶窰為其母，率領上山採茶，別裝三四十人作趕場式，貿易談笑之間，多戲謔，十二姊妹語，茶窰往，怒罵之，各執一燈，或數燈，極其繁盛，採茶歌聲，風流宛轉，觀聽者不可勝計，石阡素以產茶著名，故有識者提倡玩此燈，以示不忘種茶云。

二十四 桐糖茶油

石所產產相樹近年經政府提倡種植者更多，以其子榨油謂之桐油，除本縣自用外，銷售湘省，獲利甚豐。榨油係以烏桐子榨出之油，運銷鎮遠、黃平、等縣，其皮油，運往常德、漢口，用途亦廣。茶油，用茶子榨成，四區走馬、一、二、三、四一帶，出產頗多，既可炒菜，又可點燈，此三種油樹，為吾人日用所需，如有荒山曠土，均可儘量栽培也。

### 二十五 氣候

石所與思南、遵義俱近四川，氣候和平，寒燠不熾，雨晴巨調，水經注曰：群桐夜郎之間，山無瘴毒，此其處也。年中田功，春季以稻為重，二月始犁，三月播種，四月插秧，八月抽穗，冬季以麥為重，九月播種，次年四月收割，過閏月，則未作西成，稍有遲早，今按華氏寒暑表最高溫度在九十三、四度，最低在二十七、八度，石所氣候可謂得乎中矣。

### 二十六 農產物

石所民風淳樸，業重農業，全境之中，田土各半，田宜稻麥，稻分二種，杭有炊之為飯，稻者釀之為酒，麥有大麥、小麥、燕麥等名，大麥先黃，小麥後黃，燕麥養生靈寶，粟即所謂回麥者，是也。宜豆與包穀、高粱、紅苕、蕎子，就中以米為大宗，黍、豆、包穀、紅苕次之，高粱、蕎子等項又次之，米不特足供本地。



並可達靖思南或由城外龍底江載往或由城西一百二十里本庄之烏江載往咸同<sup>清咸同</sup>月治<sup>清咸同</sup>之亂大皆聚屯而居未嘗逃散故歷年耕種境內未及之地很少所不及致力者惟荒嶺高山而已。

### 二十七 臨江橋之二機關——民教館與衛生所

臨江橋之西有樓矗立於龍底江畔者臨江橋是也。樓為縣長周國華民國八年所建向塔凌空於其北五老屏蔽於其東南望萬家烟火俯視江流浩浩環繞之佳得未曾有。內有二機關存焉一為民教館創辦於二十八年九月一為衛生所成立於二十九年元月。夫教育與衛生均與市民有密切之關係豈可偏於西北一隅而距市中心遠乎。今欲為閱書報求醫療者之便利計不能不另覓適中之地當局者盍早圖之。

按民教館於民國三十年十一月經館長夏賢銘遷入城內十字街閱報室及運動場正在修葺中。

### 二十八 位置區域與人口

本縣位本省東部距省會約五百四十里高出海面約一千一百餘公尺位西經八度十八分北緯二十七度三十二分全境原分十區民國二十八年奉令劃為五區以中部為第一區區公所設泗玉廟東



部為第二區，區公所設石家場。縣城在南部為第三區，區公所設大地方。縣城在北部為第四區，區公所設本庄。縣城在南部為第五區，區公所設龍洞。縣城在北部據民國二十六年總動員編查保甲統計全縣人口為二萬九千四百七十七人，一十四萬七千九百七十人。

### 三十九 採茶歌 (一)

正月裏採茶是新年，姊妹雙雙與茶園，與得茶園十二畝，當官寫紙後交錢。

二月裏採茶茶發芽，姊妹雙雙去摘茶，姊妹多來採少，採多採少早回家。

三月裏採茶茶葉青，姐在房中綉手巾，兩邊綉起茶花朵，中間綉的採茶人。

四月裏採茶茶葉長，堂門有個使牛郎，使得牛來耕又老，栽得秧來麥又黃。

五月裏採茶茶葉圓，茶樹腳下老蛇盤，多打長錢敬土地，龍神土地保平安。

六月裏採茶熟忙忙，上栽楊柳下栽桑，多栽桑樹養蠶子，少栽楊柳

柳送太陽。

三十 採茶歌 (二)

七月裏採茶茶葉稀，姐在房中坐高機，多織梭羅鄉下賣，與郎織件採茶衣。

八月裏採茶茶花開，風吹茶花滿天來，大姐採朵二姐戴，二姐裝扮祝英臺。

九月裏採茶是重陽，重陽造酒滿街香，家家造起重陽酒，一里關鎮十里香。

十月裏採茶即未歸，斜風細雨打即衣，儀在房中烤炭火，即在外雨受孤栖。

冬月裏採茶過大江，腳踏船頭走忙忙，腳踏船頭忙忙走，賣了細茶轉回鄉。

正月裏採茶去一年，揹包打傘討茶錢，你把茶錢交與我，今年去了等來年。

採茶歌為除瘡正月玩茶燈時所唱，詞語通俗，婦孺皆知，石屏素以產茶著名，此種民歌，吾以為必有識之士，欲提倡茶葉

而編輯者也。

三十一 家庭手工業——紡織

近世文明進步，學術昌明，凡屬人類，不同男女，必有獨立之精神，謀生之技能，吾邑婦女，普徧具有紡織之手工業，實為他縣所罕見，不特貧家藉紡織以補助家庭，即富家亦必養成其獨立之習慣，故巡行街巷中，未有不聞機杼聲，紡紗聲者，每遇趕集日期，熙熙攘攘，在後街之經營花紗布疋者，強半係婦女為之，此種現象，在黔東為特有，革除倚賴之心，講求自立之道，石阡婦女有焉。

三十二 食鹽

鹽為食品中必需之物，我黔自有史以來，即食巴鹽，由涪州溯烏江而達思南，再由思南之兩江口轉入龍底江，用小船載抵阡城，視水量之增減，而鐵鹽斤之多寡，最多載鹽二十五包，最少載鹽二十六包，自抗戰軍興，國軍自宜昌撤退，政府遂將涪岸運鹽之工具，撥救湘鄂，民國二十九年九月，到石阡至鎮遠購鹽，因陸運之關係，脚力倍增，鹽價高漲，刻與鄰縣相較，鹽價已高三分之一，如思南鹽一斤價二元七角，石阡鹽一斤價四元二月，此三十年七月份之實情也。全縣人口計一十四萬七千九百七十人，假定每月每人多去鹽價洋一元，實較鄰縣每月多支付鹽價洋

一十四萬七千九百七十元，民生之憔悴，未有甚於此時者也。

按石附在鎮遠購鹽約一年，綜計此一年中，多付去鹽價洋一百七十七萬五千六百四十元，又於二十九年十一月二十九日，在鎮遠屬之茶陽關被匪搶劫，損失約二萬數千元，並死護鹽兵龍海彬等四人，至三十年九月份起，石附仍在思南運銷食鹽矣。

目錄

(一) 啟靈橋

(二) 縣文相級中學沿革

(三) 方言(一)

(四) 種桐油樹選種法

(五) 孝子蔡汝筠

(六) 新荷花會

(七) 交通概況

(八) 縣黨部簡史

(九) 祀神之俗

(十) 婚姻之俗(一)

(十一) 喪葬之俗

(十二) 阡城即景詩(一)

(十三) 張刺皮

(十四) 聯保與戶捐

(一) 伴寧寺

(二) 方言(二)

(三) 方言(三)

(四) 費適用

(五) 趙公荷花會

(六) 菱豆帶

(七) 羅公堤與董公堤

(八) 燃料

(九) 祭祖之俗

(十) 婚姻之俗(二)

(十一) 青澗洞

(十二) 阡城即景詩(二)

(十三) 不取遺金

(十四) 保甲與人口



(元) 各區特產

(三) 小學教育分佈概況

(三) 兵役

(五) 忠貞州

附記

(1) 各區場市趕集日期及距離表

(2) 應任縣長姓名籍貫一覽表

(3) 城區中心學校職教員信條

(4) 跋

(5) 鳴謝啟事

(三) 農務

(三) 地方財務委員會簡史

(五) 田賦

石阡鄉土教材輯要

一 敝靈橋

敝靈橋，舊名河下橋，在城外西北隅，明萬曆十年（公元一五八二）郡守袁亮建石墩架木為梁，更名敝靈。清乾隆二十年（公元一七五五年）郡守時廷露尙諸城鄉紳耆募家建石橋，計十一洞，至二十七年，工始竣，約費二千金。同治元年（公元一八六二年）河水陡漲，衝壞西岸三洞，架木以渡。光緒四年（公元一八七八年）郡守陳柱委紳倡募補修，用錢一千五百餘串文，始有工程完竣之石橋也。

二 伴雲寺

伴雲寺在城東五老峯腰，昔為土司安氏別墅，立有望江樓，後廢為寺。清康熙七年（公元一六六八年）知府彭可謙重修，道光二十八年（公元一八四八年）知府福奎重加修葺，於寺前南壁開門，額曰「別有洞天」。寺內禪房客廳皆備，前面鑿池引大水，滿山泉來灌，惟做山於其中，花木四時芬馥，池畔立亭，顏曰「仰碧」。又於寺拳石巔建「餐霞亭」，翠柏參天，亭臺掩映，接殿參差，俯視城郭如畫，烟火萬家，外則感嶺行青，龍川湧翠，而峯巒遠近重疊，幽雅絕塵，為遊觀第一境，惜歷久荒廢，無復前日風景矣。

按祥雲寺於二十九年春被鎮道師管區後補二團團副長王錫派兵撤毀今所存者佳正殿耳同時西南門兩城樓雲臺山歧鳳山冷院雷祖娘娘等廟宇亦撤毀盡淨百年古物頓成廢墟令人生黍離之感焉其尤甚者文武廟禁止駐兵軍政部覆有明令而該團亦駐紮其間損壞不堪噫地方官放棄職守地方人懼禍緘口是誰之咎歟？

### 三 縣立初級中學沿革

清光緒三十年（公元一九〇四年）知府馬衡亨將河西龍川書院改為中學堂聘孝廉李勉遵為堂長是為郡有中學之始三十三年（公元一九〇七年）知府胡汝霖奉令改為高等小學堂籌款修葺數舍宣統元年（公元一九〇九年）知府陳武純以鹽釐撤裁學款不敷將河西高等小學歸併城內第一初等小學為高初兩等小學堂內是以觀郡之中學中途停辦已念餘矣至民國二十三年郡中士紳以石屏僻處黔陬距省寫遠寒士升學不易遂提倡成立初級中學一所暫假城區第一小學教室設課二十五年初遷入龍川書院即今之縣中校址也。

按縣中成立之初因款項支絀第三科科長楊一青縣黨部書記長林萬傑紳耆李寶甫陳恆益等不避嫌怨慘淡經營然其苦心

首長新校者為王萬傑先生，民國二十七年秋，劉君夢平接辦，得縣長王念祖，紳耆陳聲修，滕石璵暨各區區長，捐資提倡，募獲洋數百元，添置圖書，新建校舍，三十年又籌洋四千元，建教職員宿舍，築校面圍牆，校具教具購置亦不少，外縣來學者日衆，已蒸蒸日上矣。

四方言(一)

日曰太陽，月曰月亮，電曰豁當作閃，霧曰穿子，虹曰打閃，天明曰天亮，日午曰少午，通夜曰一晚，到亮一日，曰一天，早食曰過早，午食曰過午，晚食曰吃晚飯，夜食曰消夜，飲食曰吃活頭，曰腦殼，耳曰耳多當作朱，口曰嘴，說話曰嘆話，又曰開腔，語無倫次曰夾雜，大聲曰炮炸，聚談閒事曰擺龍門陣，罵人曰詆人，稱贊人曰好脚色，鄙賤人曰爛頭當作爛，戲小兒曰兜人，讓得人曰驛味好，問事如何曰即過事做錯，曰搗了，事做壞曰搗糕，拾物曰撿得，負物曰背，悲傷物曰提尋物，曰找沒指事物曰東西，物小曰點點。

五方言(二)

土曰洗巴石，曰石頭，鄉村曰寨子，稱長輩曰你老人家，稱壯者曰大哥，呼父曰爹，又曰爺，母曰媽，伯父曰伯伯，伯母曰娘娘，又曰娘媽，叔父曰叔叔。

叔母曰媪媪，又曰媪媪，祖父曰公，祖母曰婆，曾祖父母曰祖祖，父之姊妹曰  
姨，姨祖之姊妹曰姑婆，外祖父母曰家公，家婆，舅父曰舅爺，舅母曰舅娘，兄  
曰哥哥，兄妻曰嫂嫂，弟曰兄弟，姊曰姐姐，母之姊妹曰姨妹，曰姨媽，姑父姨父之子  
曰老表，舅父姑父之子曰親血表，襟兄，襟弟，曰姨夫，光與祖父同輩之感通  
稱舅，曰親公，女曰親婆。

六 方言 (三)

妻之父母曰老夫人，老丈母，又曰親爺，親娘，父母呼兒女曰公公，  
曰乖乖，又曰崽崽，通呼童兒，曰小伙子，女曰大姐，或大孃，男子娶妻曰辦  
事，禮曰送人情，嫁女宴客曰花筵酒，生子宴客曰謝米酒，生日宴客  
曰生酒，又曰壽酒，人死曰過世，人病曰兜兜，星死後宴客曰開吊，葬起三  
日壘泥，敬祭曰上墳，又曰復山，檝作通稱老師，曰先生，工匠曰司夫，生意  
人曰老闆，小兒真，曰巴巴，音作豬血，曰豬旺子，音作箸，曰筷子，匙曰調羹，  
大膽曰汪膽，頑皮曰遠翻，周圍曰圍轉，裝腔作勢曰過場，合手規矩曰  
在行，隨聲附和曰打和聲，忙得很曰攪不贏，欺騙人曰門頭生意，恐懼



桐油樹有二種：一曰花椒桐，又名初結，色白，霜降後，色黃，每個上有雙條懸花，直下者為良，其形長圓，次則腰間橫有一條玄花園者，其形圓，但有雌雄之分，雌桐發生葉有牙花，結子多，無牙花者為雄桐，結子少，不可種。一曰光面桐，又名和寒露前三日，取其身大色鮮紅者及面露出乳形者，為種最良。

八 賈道用

賈道用，石阡人，明天啟甲子舉於鄉，崇禎辛未（公元一六三一年）成進士，穎慧絕倫，性至孝，救福建福清縣知縣蒞任甫三月，能知邑之鄉語，萬戶兒童曾經過目者，即辨為誰氏子，摘奸發伏，老吏驚畏，正賦外不納耗銀，廉介精明，聽斷平允，崇學校，獎士類，架橋梁，設義塚，善政頗多，因執法不徇，為土豪讎，禍被勅代者至，民如失慈母，值海水不潮者三日，上官聞之，嘆曰：海口有口福，清真清矣，後臺臣揚鸚其疏，白其寃，補兵部職方司郎中，轉吏部考功司郎中，卒，著有《峇峇軒》各集，清順治八年，崇祀福清名宦，康熙三年（公元一六五九年）入石阡鄉賢。

按中國人名大辭典載：賈道用，明石阡人，字闡如，知福清縣，嘗與楊德岡等同補《南唐雅》，所錄皆有唐一代之詩，搜採極詳。

九 孝子蔡汝筠

閩中

蔡汝為三區紅岩人清咸豐年間父鏗奉檄守安徽廬江至湯池賊已圍逼城紳因守孝子隨父行著戎服提短刀策馬獨前率士卒冒矢石救傷賊甚衆賊辟易遂於九月十九日同入城等守禦時賊虜至城下如蝟毛外無救援內無蓄積孝子曰食糜從父守陣七晝夜父謂之曰我係職官死分也爾未入仕於義可以無死孝子曰倫常重於徽績臣死忠國分子死孝亦分也不幸城不守兒偷生棄父豈不為天下戮乎二十五日城陷居民爭出城孝子見父傷昏倒於地伏父身以蔽之遂遇害年甫二十有二歲殉節後十年父署鳳臺縣知府與苗沛霖戰亦陣亡賜恤如例以孝以附貽忠祠。

十 趙公荷花會

趙爾吳旗人清同治丁卯（公元一八六七年）賢書甲戌（公元一八七四年）成進士授編修由廣東監察御史簡任石阡知府勤求民隱聽斷精詳以石阡地處煎邊士多英秀苦無書籍博覽乃捐俸為買經史子集各書貯藏書院其他因地制宜率多類是平生愛才若命藻鑑尤精凡積學篤行之士一經賞識後皆各有成未逾年循聲卓著擢升貴陽首郡士民攀留不得因於大橋頭建趙公亭每屆荷花生辰鮮

安身 雖仰盡辭 極歡而

十一 新荷花會

周國奉 湖南新化人，少負奇氣，謀勇兼優。民國六年蒞石阡任，閩心民疾，慮匪風不靖，周閱終不得安時。巨匪周老海方糾合股匪盤踞思石，聞大肆搶擄，阡民受其害有甚酷。周率乃詣鎮遠面稟道尹密陳機宜，並親至鄰封聯絡策應。七年四月，乃親督警團圍攻老海等於丁老寨，苦戰連日夜，恐不支，又咨請陸軍夾擊，遂擊斃老海於野茅渡。餘賊亦殲滅殆盡，凱旋力籌善後，怨勞不辭，旋修凱斜河橋以濟行旅，建高初小學。即城區以育人才，解任後，士民思慕不置，乃籌募款項，每年於荷花盛開之時，宴集於臨江樓，並懸像以祀之，名曰新荷花會。

按趙公周公蒞任，一在清末，一在民初，迄今猶紀念弗衰。荷花會之興起，周趙二公既已血食千秋矣，後之官斯土者果能行周趙二公之德政，阡民豈有不祀之如周趙二公者乎。

十二 菜豆粉

吾邑自製食品中，以菜豆粉為首屈一指。其製法以菜豆一升，多則先磨碎，再用白米二升和勻，以冷水泡之，約十時左右，將菜豆殼淘淨。

略用水少許，磨成漿，以瓢舀之，倒入鍋內，旋一圓圈，用鐵刷括勻，此時灶中宜燒以草，約五分鐘，再翻面焙熟，取出，形圓如斗笠，俟微溫，摺疊成捲，每捲二張，寬約二寸，用刀切成闊如韭菜形之粉，再用黃豆漿煮沸，以粉拋入鍋中，五分鐘後，撈入碗內，以辣椒、鹽、醬、薑、蔥、肉餡等拌食之，其味可口。

### 十三 交通概況

本縣縣道，除石較為平坦，其餘石江、岑石、鎮石、石餘，諸道均多山行陡絕，雖有建築鎮石公路之議，經政府派員勘測，以需款甚鉅，暫緩動工。最近擬先建築思石公路，行日實行，尚難預料。至交通工具，除肩挑背負以外，因跬步皆山，別無其他較便方法，惟至思南有水道相通，載鹽二千二百公斤之小船，可以往來，然野豬洞、木根洞等處，水急灘險，船隻經過，均須起錨，民國二十五年，經商會主席曹存員等募捐開鑿後，現已暢行無阻。

### 十四 羅公堤與董公堤

新城河街一帶，民居蔽比，為行旅往來要道，惟中街之曲盡處，逼近河濱，每夏秋水漲，輒沿街浸溢，居廬行旅，咸端端水中，中央清乾隆二



十八年（公元一七六三年）知府羅文思捐俸若干金，由舊商會地址修堤至靈官橋，長約八十丈，名曰羅公堤，由是居民得免於水災。乾隆五十年（公元一七八五年）又有知府董醇捐俸由靈官橋修堤至場口，名曰董公堤。遂與羅公堤並傳不朽云。

### 十五 縣黨部簡史

民國二十五年九月一日，省黨部派員到阡，設黨務籌備處。十一月十一日，擇定原考棚地為黨部地址，內設籌備員一人，二十六日八月二十八日，改為縣黨部，內設特派員一人，九月增設服務員一人，二十七年三月二十四日，復增設實習員一人，二十八年元月二十一日，各縣黨部採書記長制，設書記長一人，復於書記長之下，改設助幹一人，服務員一人，然有始迄今，辦理黨務，皆書記長林萬傑，林君邑人也。曾詣諭院受訓，認識黨務頗清，工作亦極緊張云。

按林書記長於三十年十月調往婺川工作，現由幹事杜守成  
替代書記長。

### 十六 燃料

吾聞諸父老云：「阡城六十年前，燃料均用煤，如洋溪、黃茅塘等地產煤



尤富，自咸同亂後，城鄉皆燒木材，木材以松、柏、杉三類為最多，燃料用松、柏、杉、建業製器則用杉、柏，每年由三區甘肅、甘肅、甘肅及包溪來城出售者，何止三千袋，附郭二三十里肩挑背負之柴，又不可勝計，然供不及求，價值日昂，斧斤既不以時入山，又不講求造林之法，童山濯濯，殊為可慮，政府提倡植樹，人民視為具文，恐十年後燃料建築之材均感缺乏矣，為今之計，宜速集資開採，以利民生，有識者盍急起而圖之。

按二十九年秋，營業總棧經理滕石瑄財委會主任委員楊成之第一區區長陳鳴琴等組織民生煤炭廠，集資在黃茅塘開採煤礦，現著成效，已出有生熟煤兩種，售價低廉，若多顧礦工，大量開採燃料之供給，將來或不致感覺缺乏矣。

十七 祀神之俗

正月初九日祀玉皇，二月初三日祀文昌，十九日祀觀音，四月初八日，祀佛生期，五月十五日祀關帝，二十八日祀城隍，六月十九日朝梵淨山及境內名山，二十三日祀大神，八月二十七日祀孔子，十二月二十三、四兩日祀竈神，誦經之事，較他縣為最少。

正月初一初二初三十三十四十五等日備香燭梅祭祖墓俗名上燈清明前後十日內攜酒食拜掃墳墓以白紙懸竿上俗曰掛青七月初十日以紙錢封楸寫祖先名諱朝夕以酒食供之至十三十四等日火化之謂之接送祖人冬至日合族具酒饌宰豬羊祭於宗祠謂之祭冬無宗祠者於家中行之父母忘日生辰亦必數祭年終亦然平日必設香火於中堂大書天地君親師位旁列儒釋道各神位及祖先神牌朝夕供奉民國以來多改書某氏歷代昭穆神主至於除靈起薦每續至一二代始行之。

按祭鬼祀神均屬迷信耗金錢廢時日應在禁止之列方今科學昌明神權時代已屬過去然聖人以神道設教在教育未普及之時亦可以範圍人心補法律之不逮若不肯善良風俗不抵觸政府法令聽其消長可也。

### 十九 婚姻之俗 (一)

先由男家請媒過問女家許諾即擇日備紅書倩媒送至女家女家書男女及主婚人姓名於其上謂之開書丹以為婚憑迨男女長成婚期將屆男家又備紅書寫明乾造某年月日倩媒送至女家女家添

寫坤造某年月日送回，謂之發庚，擇定婚期，書寫某日冠笄，某日花燭，謂之遞報書，婚期前一日納采，謂之過禮。

二十 婚姻之俗 (二)

結婚之日，男家備鑼旗、漆竹、喜轎等，鼓吹至女家，新娘哭泣登彩輿，至男家門前，倩星士焚香秉燭，用五色絲線纏着草，向轎前朗誦咒語，裁茅穿雞，謂之回喜神，掛轎至中堂，擇子女多而係原配夫婦者，雙扶新郎新娘，用紅氈鋪地，先拜天地，次拜祖宗，謂之拜堂，隨入新房交拜，合卺，移時，扶新娘出堂，與新郎拜翁姑親族，三日後婿率婦往拜女家，謂之回門，又有婚娶不待擇吉，因父母抱病，雙方認可，即日結婚，謂之冲喜，又有女家貧甚，或父母早亡，不能待時而嫁者，送至男家養之，謂之寒房媳婦，俟他年而後花燭焉。

按舊式婚姻，有宜改良者數端：孩童訂婚，純由父母專主，迫男女長成，悔婚離婚之事，數見不鮮，此宜改良者一。婚姻之成否，只論財物之多寡，聘金之厚薄，而男女之品貌如何，知識如何，反在其次，此宜改良者二。又有男方童年，女已及笄，無知父母，遽令結婚，以為可恃，大媳操持家務，殊知艱難，其子天年，釀

成訴訟條件，影響於家庭社會至巨。此宜改良者三。舊制婚姻，繁文縟禮，太不經濟。吾以為宜以簡單樸素為標準，而仍行文明結婚，或集團結婚制。此宜改良者四。與姑表或姨表之兄弟姊妹結婚，往往使所生之子女，犯軟弱夭傷，或聲啞白痴等病。故與近親血統結婚，尤為吾邑所常見。此宜改良者五。其他因父母壓迫而犧牲生命，因婚姻不滿，而謀死丈夫，間亦有之。夫禮無百年不變，制無百世不改。緣文化之進步，世事之推移，而吾邑婚姻，亦有改良之必要。改良維何？先得男女兩造之情願，允諾結婚，而得父母之贊同，不以禮物之多寡厚薄而生阻礙。一方尊重當事者之意思，一方尊重當事者親長之親權，既不使當事者過於恣肆，濫用情愛，亦不使當事者之親長過於迫脅，濫施威權。此種主張，在通都大邑，早已行之，以現在吾邑社會情況而論，不知適當否？

## 二十一 喪葬之俗

親死含殮後，倩僧道置魄諸，設靈位，謂之開路。延堪輿擇日入棺安葬。其久殯以待卜地者，士大夫家或有之。葬之前二日，備羊豕各一作木主，用針刺子指血和硃，諸賁者點之，謂之點主。是夕行家奠禮，次



日備酒饌以酬親友之來弔者，謂之開弔。屬內戚則剪白布數尺以纏其頭，謂之開孝。有力之家，往往不論親疎，開普孝，以為榮。糜費甚鉅，葬之日，男女賓皆步行送葬，越三日，延親族祭墳壘，泥謂之復山，過是則七日一奠為燒七，至七七日止，屆百期小祥，大祥，富裕者必作道場，否則焚楮而已。

按婚喪宴客，近來日趨繁盛，動輒百桌以上，主不知賓，賓不識主，既之禮貌，又少秩序，亟應改良，非宗族至親世交好友，誰不通慶弔，以免有用之先陰，應酬於無益之交際，然改良風俗，談何容易，首在有力者倡導之耳。

### 二十二 青雲洞

出西門，渡江向西行，約二里，即抵青雲洞，相傳明代築城，需石頗多，遂毀洞以為石，今名為洞，其實非洞，僅山谷耳，惟地近城郊，風景幽絕，為遊觀勝境，惜蘭若遭兵燹，敗瓦頽垣，觸目皆是，今非昔比矣。丁卯秋，余為

廖君跋數語於石壁，茲錄於後：

廖君河恩，予總角交也。膽識卓越，少負不羈，年來地方多故，

迭任要職，卒能造福桑梓，然輕世肆志，時有五湖三徑之想，常猶



徜徉於茲，見老柏參天，小橋跨水，古剎環峙，高峰入雲，非特毫無俗氣，恍若別有地天。若契斯風景，題筒裏乾坤於石壁，誠得知水仁山之樂也。爰跋數語，以誌鴻泥雪爪云爾。

二十三 阡城即景詩

清末孟志青太守，作阡城即景詩二十首，寫得無限風光，直與桃源相似，茲選錄八首於後：

其一

澹澹雲陰薄，薄霧霞，有時綠雨片風斜，喜聞鶯語朝來友。

猶指鶯聲，向關相應。

怕聽鶉聲夜憶家。

杜鵑夜啼，其聲為不如歸去。

香榴碧碧抽門外，綠芒為絨。

後人謂榴芒為絨。

刺梨紅笑路旁花。

刺梨，野花也。其花葉與北地刺梅相似，結子如小石榴而多刺，熟者山地多實，皆有子可釀酒。

藥苗三徑青青色。

隨意春芳潤露華。

秦草隨露而生，惜不能識。

其二

滿城桃李萬千枝，如此風光可入詩。

方三三月間，桃李爭春之屬，實繁矣。如霞如雪，山中佳趣，隔斷紅塵萬丈。

卷

耳偏生新雨後，蒼耳即蒼耳。

蒼耳，即蒼耳。

畫眉偏叫落花時，蘭芽空谷無人間。

附地有蘭，而不佳。後院猶子一株，古樹也。夏，繁

草橫塘有夢知，芳者更喜園林消夏處，一株香玉放山旆。

古樹也。夏，繁

花，其香如梅。

其三

占盡清閑是此鄉，地偏人欲傲羲皇。雲迷棧道春陰重，日永壺

天午夢長，白石橋衣沙岸水，紅窗春未夜燈光。凡河流水多就門外牛郎化

作山中樹，嫩綠叢生護短牆。小樹叢生，蒼葉如榕，終冬不凋，民間密植牆邊以護院落，綠意依依亦儘可愛，俗名牛郎刺。

其四

溫泉直北板橋西，城郭依山四望低。龍底河邊花映水，羊人路上柳

盈茂，忍冬繞樹籠香雪。忍冬全株花也，與山有間。半夏鋪苔惹敗泥，多少秋光滌虎

芙蓉高與畫樓齊。芙蓉皆成木，為河所不見。

二十四 續前

其五

松間石上掃苔苔，飽看青山日幾回。為高為棟未迎夏，至

言蟲知催未報秋來。有蟲如小甲，八月中在松樹間，居人多得，不悉謂其種也。懸空瀑布千尋落，排闥

雲屏四面開，不負官遊辛苦意，萬峯相對一銜杯。

其六

振衣千仞杖登臨，平視尊前點點岑。踏指花橋碑有字，

洞連蒲菴樹成陰。某處口有石，刻此字，大夜郎故國無秦漢，仙客長留自古今。

麓山及山太  
白者以竹老  
之天長以竹老  
註解良於上也

其七

林密深處接料物，夜即古屬群林蜀道<sub>此若竹</sub>一綠來龍分界嶺，

幾人放蟻踐山坡，人村道山望松毛架底涼溪好，長向橋下橋邊宿露

多，數雨節前寒食後家家都唱采茶歌

其八

榭葉翻風綠一村，山家生計皇鷄取圓糝粉水田侵岸，糝粉水田

水北上流以竹老為一山家生計皇鷄取圓糝粉水田侵岸薄板圍籬石笋根，民間是至多用籬石笋根

於此竹老中世近河樹出青萊臘富門，有菜和菜名白青萊居人嘗此飛花滿店與

人，客同來話酒樽

二十五 張剝皮

張海瀾先生為石所望族清嘉慶丁丑（公元一八一七年）科進士官

潯陽時巡行凶野見自剝田雞皮責以營生者血肉濇濇心憫其狀詢

其人與以錢令其改革其人叩謝持錢而去後過之業如故先生剝切

曉諭且示以克己其人終不改於是先生令人拘之至署令肉袒立日

中，以髮聚紙貼其背，肉俟其乾而取之，皮盡裂，痛不可忍。先生笑而罵之曰：人物皆天地生成，剝爾皮，爾知痛，爾剝物皮，物寧不知痛乎！以汝之酷試汝之身，未為過也。其人誓不敢再蹈故轍，乃赦去。於是剝肉因難皮之風暫息，而張剝皮之名遂於是始。

二十六 不取遺金

賈德懷，住第五區托寨，清嘉慶庚午（公元一八一〇年）舉人，官開州學正，相傳其應鄉試時，道拾一布包，銀五兩餘，坐待失者不至，攜以行。越里許，見夫妻滋鬧，多人勸解不休，側聽之，因夫責猪，得銀，遂過其林新村之他往，妻失之，痛加毆辱，德懷知其為所失銀，還之分半，不受。是科獲雋，先是房官主考皆夢神告以價卷，當中，揭曉往謁，詢其情，始知陰德之感於神明也，而不取遺金，遂成佳話云。

二十七 聯保與戶捐

據民國二十九年十一月所調查全縣共計二十九聯保，各聯保每季所出戶捐如下表：

石屏縣各聯保二十九年秋季（即七八九月）戶捐捐類一覽表

第三區			第二區					第一區					區別		
甘溪聯保	上寨河聯保	乾北河聯保	冷家榜聯保	亮寨聯保	小雞公聯保	石家場聯保	甄香聯保	花橋聯保	平錫聯保	龍一井聯保	高宅屯聯保	中堤聯保	漢口聯保	南北鎮聯保	聯保名稱
七五九	六四八	五八八	五一四	六二〇	六一九	一七〇	五五九	五八九	六二七	五四七	四九九	四五〇	五六六	五八二	秋季捐額
三〇	九〇	三〇	二〇	一〇	八〇	四〇	五〇	五〇	〇〇	二〇	八〇	九〇	四〇	〇〇	區別
總計	第五區					第四區					第一區	區別			
	川口鎮聯保	晏家灣聯保	龍塘聯保	仁和場聯保	平地場聯保	龍洞聯保	三塘聯保	白沙聯保	河堤聯保	馬家屯聯保	走馬坪聯保	樂利聯保	十一區聯保	萬容聯保	聯保名稱
一六五七二六〇	四七〇	四四二	四九〇	三二六	七三一	五八六	四一七	五六四	五七六	四九八	六六六	四七七	五三一	九六〇	秋季捐額
二六〇	四〇	二〇	八〇	一〇	一〇	二〇	〇〇	〇〇	九〇	〇〇	五〇	九〇	九〇	三〇	區別



按戶捐即富戶捐，每季共一萬六千五百七十二元六角，一年四  
季合計洋六萬六千二百九十元零四角，純係開支區保經費。

二十八保甲與人口

據民國三十年編整保甲與人口統計：第一區有四十三條，五百零  
二甲，男一萬九千三百五十三人，女二萬一千三百八十四人。第二區有  
二十六條，二百六十甲，男一萬一千六百零八人，女一萬一千八百三十  
七人。第三區有二十二條，二百五十一甲，男一萬零八百七十一人，女一萬  
一千五百零三人。第四區有四十六條，三百八十四甲，男一萬五千四  
百八十七人，女一萬五千六百三十八人。第五區有二十六條，二百六  
十八甲，男一萬四千六百五十八人，女一萬四千九百二十三人。全縣  
共計一百六十一條，一千六百六十五甲，男七萬一千九百七十七人，  
女七萬五千二百七十五人。

二十九 各區特產

河堤場

屬四區

之棉花、甘、橘、烏

獅、梁家坡

屬一區

包漢

屬三區

之茶

本庄

四區

之白耳

岐嶺

屬四區

之硫磺

龍塘

屬五區

之漆

茶葉

箭杆林

馬鬚嶺

屬二區

之鐵

甘溪

屬三區

之厚樸

蕭溪

水洞

屬五區

之土石

雷洞

屬四區

之錫

黃香

屬洋

漢中一區之株走馬河一帶之茶油龍滄。白沙四區之及麻青沙。二區之漢溝。三區之火紙灣。白雲灣之陶器。一區附城一帶之白茉莉。茶豆粉。均各地之特產也。

三十 農諺

吾邑地非四邊，鮮有賀遠。農民約占全縣百分之九十，對於農事，占農諺語頗多，茲選錄於後：

正月雷打雪，二月雨不絕，三月無種水，四月秋上背。謂正月已雪，寒當也。凍驚蟄，雨清明。清明晴，穀雨淋。謂寒當宜冷，清明宜晴。穀雨宜雨。立夏不下，犁耙高倉。謂立夏宜雨。小滿不滿，芒種不管。夏至有雨十八河。均謂夏至小滿宜雨。七月初一晴，八月無雨淋。時逢白露候，穀草白如銀。立秋不見雨，二十四個秋貓貓。謂七月宜晴，立秋宜雨。人怕老來窮，穀怕午晴風。謂穀開花時，忌午時風吹。白露逢雙乾，穀上倉。謂白露宜風日且晴也。

三十一 小學教育分佈概況

據民國三十年所調查，本縣小學之分佈，第一區別有城區中小學，城區二小，直小三所，稍溪、羊角、老短小二所，平地、龍寺、漢口初小三

所花輪國民學校一所第二區則有石家場小學一所公鶴坳冷家榜短小二所小雜公堯寨舖子海洲等處均屬初小五所第三區則有乾紀坪甘溪鋪溪葛谷初小四所第四區則有本庄白沙小等二所三塘山口短小二所河塘等處均屬初小二所第五區則有龍龍寺地處小學二所小定短小二所新場仁和場川嚴理安家等處均屬初小六所此本縣小學之分佈概況也。

自抗戰軍興小學教師之薪社甚重物價高漲小學教師之生活愈艱政府雖提倡加薪然江河之水甚微難免渴澤之劇茲列表於後以供教育當局之參考焉。

縣立城區第一小學職教員薪俸表

元十二薪月	校長	民國二十七年
元八十六薪年	級任專任	民國二十八年
元十四百一薪年	級任專任	民國二十九年
元十二薪月	校長	民國三十年
元六十一薪月	級任專任	民國三十年
元四十一薪月	級任專任	民國三十年
元十三薪月	校長	民國三十年
元二十二薪月	級任專任	民國三十年
元十二薪月	校長	民國三十年
元十六薪月	級任專任	民國三十年
元二十四薪月	級任專任	民國三十年
元八十三薪月	級任專任	民國三十年

城區近四年物價比較表

年月	物名	數目	物價	備考	
二十七年七月	白米	一斗	一元	約重六十一斤	
	猪肉	一斤	一角二分		
	猪油	一斤	二角		
	白炭	百斤	二元		
	土布	一疋	一元五角	約重一斤六兩	
	川鹽	一斤	一角六分		
	柴	一批	二角	約重六十斤	
	白米	一斗	四元五角		
	猪肉	一斤	三角		
	猪油	一斤	五角		
二十八年七月	白炭	百斤	四元		
	土布	一疋	三元五角		
	川鹽	一斤	三角六分		
	柴	一批	六角		
	白米	一斗	八元五角		
	猪肉	一斤	六角		
	猪油	一斤	八角		
	白炭	百斤	八元		
	土布	一疋	九元		
	川鹽	一斤	一元七角		
二十九年七月	柴	一批	一元二角		
	白米	一斗	四十二元		
	猪肉	一斤	一元		
	猪油	一斤	一元三角		
	白炭	百斤	九元五角		
	土布	一疋	十二元		
	川鹽	一斤	三元八角		
	柴	一批	一元八角		
	三十年七月	柴	一批	一元八角	
		川鹽	一斤	三元八角	
土布		一疋	十二元		
白炭		百斤	九元五角		
猪油		一斤	一元三角		
猪肉		一斤	一元		
白米		一斗	四十二元		
柴		一批	一元二角		
川鹽		一斤	一元七角		
土布		一疋	九元		

由上二表以觀，物價有高至十倍，或二十倍者，而小學教員之薪俸，所加不過二分之一，吾人本以服務為目的，薪俸多寡在所不計，其如生活艱安定何！我教育當局，在精神上，物質上，必有以慰藉之也。

### 三十二 地方財務委員會簡史

查高唐斗各捐及學田穀租，向為辦學的款，清末由勸所征收，民國三年，地方經費局成立，各學校經費，由其負責開支，十二年經費團防兩局合併為經團合辦局，地方各款，任其統籌統支，十六年，創設教育局，教款收支，約佔地方總數百分之六十，經費局經營各項，約佔總數百分之四十二，十五年，裁局改科（縣政府第三科），由縣府徵收室主管地方經費，二十六年，奉令改為地方財務委員會，會中聘委員九人，又由委員中公主任委員出，納主任審核主任各一人，處理日常事務。

茲將三十一、三十二年各區經費表列後



石川縣教育廳定三十一年度各部分延証額表

類別	延証額					合計
	一	二	三	四	五	
計	1,150,000	2,760,000	3,320,000	6,900,000	4,600,000	23,000,000
普通教育	3,620,000	12,310,000	17,750,000	23,570,000	18,310,000	101,200,000
中等教育	4,000,000	2,100,000	3,000,000	3,780,000	2,520,000	16,220,000
高等教育	6,000,000	1,200,000	1,280,000	1,950,000	1,620,000	12,490,000
體育	10,000,000	2,000,000	3,200,000	4,900,000	4,000,000	25,000,000
藝術	9,000,000	9,000,000	14,600,000	15,000,000	11,000,000	59,000,000
幼稚教育	2,000,000	1,000,000	2,000,000	1,500,000	1,000,000	7,200,000
合計	55,300,000	19,580,000	29,110,000	100,350,000	27,300,000	567,790,000

三十三 兵役

當兵為人民對於國家應盡之義務，此種義務，名曰兵役義務。兵役義務共分二種：一曰國民兵役，凡中華民國國籍之男子，自年滿十八歲起，至屆滿四十五歲止，除在服常備兵役之期間及依法免役與等役者外，均服國民兵役。國民兵役：初期為期二年，前期為期五年，中期為期十五年，後期為期五年。二曰常備兵役，凡中華民國國籍之男子，自年滿二十歲起，至屆滿四十歲止，除依法免役、禁役、緩役、停役及僅服國民兵役者外，均服常備兵役，其服役之區分如下：(甲)常備兵役為期三年，(乙)常備正役兵為期六年，(丙)常備續行兵，期間不定，至屆滿四十歲止。

本縣合格壯丁統計為一一〇五名，月徵兵額為九〇名，縣府既依各區月額：第一區為二三名，第二區為一四名，第三區為一四名，第四區為二〇名，第五區為一人名。自二十七年三月起，開始徵兵，截至三十年十二月止，共計征兵四二八名。此兵役之大致情形也。

三十四 國賦

國賦徵額——本縣在民國二十八年以前，年徵國賦總額為一

千二百二十五元二角五分，每年約可徵七成以上。

舉辦土地陳報——二十九年冬，奉令舉辦土地陳報，至三十年四月間，結束外業工作，隨即趕繕內業冊籍，九月間，將坵領戶冊、領坵冊，及徵糧底冊等，全部繕造完成，此後田賦徵收有所依據。

田賦科則——土地陳報後，新科則及全縣畝分如下表：

等則	每畝徵額	每則畝分	每則田賦總額
一等一則	每畝六角	共三七三八·九〇畝	賦額二二四三·三四〇元
一等二則	每畝五角六分	共五五〇一·〇〇畝	賦額三〇八〇·五六〇元
一等三則	每畝五角二分	共八九〇七·九〇畝	賦額四六三二·一〇八元
二等一則	每畝四角四分	共二五五四〇·四〇畝	賦額一一二三七·七七六元
二等二則	每畝三角八分	共三二七五七·六〇畝	賦額一二四四七·八八八元
二等三則	每畝三月二分	共三六六四三·五〇畝	賦額一一七二五·九二〇元

三等一則	每畝二百四分	共二七六五三、六〇畝	賦額六六三六、八六四元
三等二則	每畝一百六分	共一七六四一、三〇畝	賦額二八二二、六〇八元
三等三則	每畝八分	共一七一九九、九〇畝	賦額一三七五、九九二元
總計		共一七五五八四、一〇畝	賦額五六二〇三、〇五六元
說明	一、本表係前土地陳報處統計所得，所有撥出撥入地畝，均包括在內。		

徵收實物——二十九年份田賦，係依照前列科則徵收。至三十一年份田賦改徵實物，即賦額每一元改收稻穀二市斗（約合本地斗四升五合）本縣因交通不便，故規定為回徵法幣縣份。即將徵實物稻穀每一市斗依農時行情穩定標準價折收法幣，以資撻便。三十一年份田賦

奉令規定秤準價為每市斗六元。全縣賦額五六二。三。〇五六元。改徵稻穀一二四〇市石六斗一升一合二勺，回徵法幣六十七萬四千四百三十六元六角七分二厘。財政部在縣設立田賦管理處，專員田賦契稅徵收之責。

按三十年田賦改徵實物，徵收二月餘，已達九成。降民在旱年，嚴重之秋，猶奉公守法，踴躍輸納，馴良已可概見。惟當土也，豫報時，編查卜實，此重彼輕之弊，幾見不鮮。當局宜如何設法使田賦担負平允。此又不可不注意者也。

### 三十五 貴州

貴州據中國西南五省之中心，東界湖南，南界廣西，西界雲南，北界四川。境內河流首推烏江，山脈則以苗嶺為最著。土地面積約有二萬六千四百七十餘萬畝，其他可耕種用之荒地荒山尚有三千三百十餘萬畝。人口有一百四十三萬二千一百四十人；其中苗胞為六十萬九千六百四十三人，佔全省總人口百分之五、八二〇，夷胞為八十二萬二千四百二十七人，佔全省人口百分之七、八四〇。



石門縣土熟  
第  
十五

納雍縣

道真縣

望漠縣

赫章縣

新改五縣

貴陽改貴筑縣

定番改志水縣

八寨改丹寨縣

台拱改台江縣

安南改晴隆縣

撤銷四縣

后坪

青溪

丹江

省溪

合併八縣

都江與三合合併為都三縣  
平舟與大塘合併為平塘縣

永從與下江合併為從江縣  
長寨與廣順合併為長順縣

石阡縣各區場市趕集日期及距城里數一覽表

區別	場名	趕集日期	距城里數	備考
第一	縣城河街	一、四、七		
	直橋	二、八	十五里	辛丑、癸卯、甲辰
	新場	六、十	十三里	
	花橋	五、十	三十里	
	太平場	三、八	十五里	
	龍井場	六、十	三十里	
	麻塘嘴	六、十	十八里	
第二	石家場	一、六	六十里	

一

二

堯 上	白合 場	茶 園	楓 香	堯 寨	地 印	冷 家 榜	小 鎮 公	公 鵝 坳
	三、八	四、九	三、八	四、九	五、十	四、九	一、六	五、十
五、十里	三、五、里	五、十里	三、十里	四、十里	六、十里	八、十里	六、十里	九、十里

四			第一區			三			
三 塘	馬家屯	中其場	白 沙	河 堤 場	走 馬 坪	本 庄	葛 容	甘 溪	老 寨
六 十	六 十	五 十	二 八	雞 兔	一 七	四 九	五 九	二 八	三 八
四 十 里	一 百 里	一 百 三 十 里	六 十 里	一 百 三 十 里	九 十 里	百 一 十 里	三 十 里	四 十 里	六 十 五 里





石竹縣歷任縣長姓名籍貫一覽表

石竹縣政府

姓名	籍貫	在任時間	備註
張照齡	貴陽	約三年	
陳理商	鎮遠	約三年	
孟廣煥	貴陽	約二年	
羅萬華	雲南	約一年	
陳仲琳	貴定	約一年半	
周國華	湖南	約二年	
李退谷	開陽	約一年	
趙振海	湖北	約半年	

備

考

蕭毓松	王夢熊	鄭樟	楊玉潤	王虛懷	柯玉階	王子癡	林鑑流	胡吉	楊玉潤
沿河	銅仁	桐梓	天註	興義	石阡	貴陽	思南	平越	天柱
約半年	約一年	約一年	約一年	約四月	約兩月	約一年	約三月	約一年	約半年
民國十八年	民國十六年 至十七年	民國十四年 至十六年	民國十二年 至十三年	民國十二年十月 至十二年二月	民國十二年 九月	民國十二年十月 至十二年八月	民國十二年六月 至九月	民國十一年	民國十年
						被虜不堅守調氣自於沿河	逃往思南屬之野貓村		



李采書 印 江 約半年 民國二十四年

王子丹 桐 梓 約數月 民國二十四年

劉樹槐 賁 陽 約三月 民國二十五年元月至三月

王念祖 湖 南 約四年 民國二十五年四月至二十九年五月 三十年病故計歲

王明義 遼 寧 民國二十九年五月起

說

一本表在任時間，及在任年月，編者無夫卷在手，可供參攷，全憑記憶，恐微有出入，希閱者諒之！

一、縣長為親民之官，縣政之良窳，繫於縣長之賢否。民國以來，所古見思者固不可多得，茲表之刻，俾邦人處治中，存一或則推之不去，或則挽之不留之觀念焉！

明


跋

余讀校長楊君鄉土教材，有感焉。其山川之控制，城池之沿革，人材之  
傑出，物產之輸送，風俗之習慣，莫不鉤元提要，戶細搜羅，目為文獻之基礎。  
誰曰不宜，獨習予老眼昏花，未能畢讀，但管中窺豹，略見一斑。其以教習  
童學定能發抒精神，增長知識較之讀中外史地大有裨益。楊君慘淡經  
營，費煞苦心，間將鄉土史地厚厚本本和盤托出，予恐叩之白首莫能知  
而語之黃童，良可誦。迴憶我前學校內開辦以迄於今，年經卅餘載，校長  
者迭更十數員，大抵口講指畫，得魚忘筌，因懷棄薪，罔念當學力不逮數  
實，不以揚君留心鄉土也異日藉軒梓史則局原審視，而諮度謀詢，徒  
小雅淘淘，雖不至上媿堯，亦禹謨冥時，且語則列入晉之乘，楚之春秋，  
之春秋，先聖後賢，若合符節。予年近八旬，學識荒謬，謹跋數語，期以  
尾而留名，他何望焉。

時辛巳年十一月朔日

月事 希珍 陳瑞林 謹識





# 石阡縣城區中心學校職教員信條

一、確信我國將來絕大的希望，必在兒童身上。我既負教育兒童的責任，自當忠心服務。

二、確信施行教育，必須遵守 國父遺教。

三、確信 最高領袖 蔣示我們的教育方針，應該時刻奉行。

四、確信抗戰必勝，建國必成。

五、確信救國建國，必須實行國民精神總動員綱領及其實施辦法。

六、確信愛護兒童，為小學教師的天職。

七、確信小學教師，應與兒童共同生活。

八、確信小學教育，必以兒童為本位，所以對於兒童心理，要致力探

討。

九、確信用一分精神，能收一分效果，所以要用我全部精神，為學校服

務。

十、確信小學教育，要不斷的改進，所以我要有努力改造的精神。

十一、確信事業的進步，須有豐富的學識，所以我要有相當的進修。

五、確信以身作則，為訓導兒童的最好方法。  
六、確信小學教師，須具勞動的身手；科學的頭腦；鎮靜的工夫；快

樂的精神。

七、確信教育須適應社會；又足以改良社會。  
八、確信我能用取經濟的方法，辦最優的教育。

以上各條願以本校同仁共勉之！

楊大恩鳴謝啟事

拙著之石屏鄉土教材輯要二冊，蒙 地方教育委員會及諸親友關懷，樂捐付梓，高誼隆情，銘心鑠骨。謹將芳名列后，表彰善行，並鳴謝悃。

地方教育委員會捐國幣壹百貳拾元

成啟宇先生 捐國幣柒拾元

夏成齋先生 捐國幣叁拾元

龍堯夫先生 捐國幣貳拾元

何亞仲先生 陳肇修先生 楊承之先生

杜守成先生 龍尹如先生 周萬生寶號

蔡全興寶號 劉光煦先生 楊香圃先生

陳涓之先生

以上各捐國幣壹拾元

陳恒益先生 捐國幣陸元

曹存楨先生

黃朗軒先生

郭家齊先生

林達權先生

邱子尊先生

余潤生先生

唐會臣先生

陳鳴皋先生

崔廷濟先生

李賓甫先生

杜本初先生

陳元甫先生

李品一先生

以上各捐國幣伍元

羅祖達先生

黃大森先生

曹銘盤先生

左先榮先生

左先登先生

徐廷傑先生

邱樹文先生

黃建文先生

楊秀靈先生

以上各捐國幣叁元



(8.002)